

## ► Sar šaj te lela?


Te si tumen gogjaver telefoni tari savi te si marka, ajfon ja huavej, roden i aplikacia ko google play store ja ko .....(akate šaj te oven o linkia)

<https://cutt.ly/BeSafe-iOs>

<https://cutt.ly/BeSafe-Android>

<https://cutt.ly/BeSafe-Huawei>

Ulaven makedoniakiri, albanikani ja romani čhib.



## ► So si Ov Arakhli?


Mobilno aplikacia baš i tumaro gogjaver telefoni, prekal kova šaj te roden arka kana sien viktimi tari džungalipa thaj kote so šaj te arakhen informacii thaj šajdipa kola so denape tumengje.

## ► Baš i kaste si kherdi?

Baš i sa o džuvlja, čhaja, čhave, sakoja amendar savi šaj thaj ni na gndingja kaj nekana ka arakhelpe ki situacia te ovel viktimi tari džungalipa. Baš i amare amalinja thaj amala, familia, baš i organizacie kola arakhena e viktimen.



Република Северна Македонија  
Министерство за труд  
и социјална политика



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Swiss Agency for Development  
and Cooperation SDC

Akaja brošura si printime ko pervazia e prokteskere tari Švajcaria-kiri agencia baš i bajroviba thaj barabarbutikjeriba „Zurarkjeriba e komunenegjere konsilia“ realizirime tari rig tari Programa baš i bajroviba tari Pašakjerde Nacie (UNDP).

## Sar istemalkerelape?

Prekal i aplikacia šaj

- te roden arka tari SOS linia baš i arka e viktimengje,
- te informirinen tumen baš i organizacie kola so dena arka,
- te penđzarkeren tumen tumare hakoncar,
- te konektirinen tumen direktno e vebriņengar tari organizacie baš i bilovengjiri nijamali arka, psihosocijalno dejba dumo, dejba dumo baš i butikjeriba,
- te dodžanen kote si thanarkjeribaskoro than baš i garaviba o viktimi,
- te oven šundi thaj te dodžanen kola si tumare hakaja.



## Loli pulia

Tipnisar thaj iker 1 dakika ki te bičale SMS mesaži baš i arka dži SOS linia


## Narandžali pulia

Tipnisar thaj iker 1 dakika ki t e bičale mesaži baš i persona ja organizacia kolake so pakjaja, pali tlo kolkorutno alusariba. Ki te bičalen mesaži, kamela pe te ovel tumen krediti ko telefoni, thaj te hramonen thaj te roden o telefoneskoro numero e manušeskoro ja organizacijakoro kolake pakjana.



## Mlo dendo dumo

I narandžali pulia bičalela SMS mesaži ko alusardo manuš ja organizacia. Kana ka tipnisaren ko upruno dahinalo xiniz pravela pe anavengoro lil telefonsko numeroncar, kotar so šaj te alusaren kova numero te semnosaren sar numero ko kova isi tumen pakjajbe. Šaj te alusarenpe majhari 1 numero, a majbuter 5. Tipnisarindor ko alusardo numero šaj te keren lafi ja te ciden ole tari nice.



## Importantna kontaktia

Akava ekrani saikerela o majimportantna kontaktia tari institucie ko kola šaj te roden arka. Tipnisarindor o numero, i aplikacia avtomatski ka kerel akariba. Sa akala numeria, ulavindor i policia šaj te oven čhivde ki umal Mlo dendo dumo thaj olengje ka ovel bičaldo SMS mesaži.



## Mle hakaja

Akate si hramome nekobor tari fundavne hakaja kolencar kamelape te oven penđzakerde



## Konsilia

Akate arakljovena konsilia kola so sakone manušeske šaj te pomaškaren te arakhelpe taro džungalipa, baš i peste thaj ple čhave džikobor isi ole.



## Čhania džungalipa

Akate šaj te dodžanen save čhania džungalipa isi, sebepe so ki te činaven ole kamela pe te džanen te penđzarkeren ole.

## Plesutne gevaipa

Saikerela tikne vakeriba tari viktimia upri kolende si kerdo džungalipa.